

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin

Franckfurt am Mayn, 1560

VD16 B 2747

Illustration: [S. Lucas]

urn:nbn:de:bsz:31-62174

A im Gesez auffgezogen / vnd desselbigen von Abraham her gewonet waren / Vnd verdriesslich sein muste / das die Heiden / so on Gesez vnd Gott waren / solten jnen gleich sein in der gnade Gottes.

Wist zehen mal ärger / So wir doch hie sehen / vnd nicht leugnen können / das Gottes gnade vnd Christus erkentnis / auff vnser Vorfaren komen sey / on Gesez vnd verdiens / ja in grewlichen Abgöttereien vnd lastern. Aber sie werden auch eben so viel mit ihrem lästern vnd verfolgen dran gewinnen / als die Jüden mit ihrem wüten vnd toben daran gewonnen haben. Denn der zu vor den Jüden solchs gedräwet hatte / vnd durch Mosen lassen singen / Ich wil euch erzürnen vber dem / das nicht mein Volck ist / vnd vber einem vnwissenden Volck euch toll machen. Vnd Hosee. 2. Cap. Ich wil mein Volck nennen / das nicht mein Volck ist (das ist / so ohn Gesez vnd werck lebet) vnd hats ihnen gehalten. Eben derselbig dräwet solchs auch vnsern Lästern / vnd (wie er schon wol angefangen) wird er ihnen gewislich halten. Das gläubten sie aber nicht / bis sie es (wie die Jüden) erfahren /

Wie Gottes gnade vnd Christi erkentnis zu vns Heiden kommen sey.

Deut. 32
Hosee. 2

A M E N.

Das II. teil des Euangelij S.
Lucas / von der Apostel Geschichte.



B

I. Cap.



Die erste rede hab ich zwar gethan / lieber Theophile / von alle dem / das Ihesus anfieng / beide zuthun vnd zuleren / Bis an den tag / da er auffgenommen ward / nach dem er den Aposteln (welche er hatte erwelet) durch den heiligen Geist / befehlet gethan hatte / welchen er sich nach seinem Leiden lebendig erzeiget hatte / durch mancherley Erweisung / vnd liesz sich

Gethan) Befolhen hatte / was er befehlen wolte / nemlich / Das sie solten seine Apostel sein / vnd aller welt predigen.